

فیه ابواب الحیا

چهار شهر عربی ابتداسیاه اون بشده نشر اولور (۵۱)

جلد ۵ - جزو ۵۱ [فی غرة محرم سنة ۱۳۰۴] نسخہ می ۳ فروش

بناءً علیه لورن قوسترک مطبعه جیلغی اوروپاده هیچ کیمسه انکار
ایتمور . فقط ایجادندن کندیسى مستفید اوله مدینى خالد ۴۳۶ سنه دن
بری عالم مدینتی بحق عالم مدنیت عنوانه کسب لیاقت ایتدیرمگه سبب
اولمش اولان بر مخترع محترمی مکافاة معنویه دن یعنی شرف ایجاد ایله ذکر
خیردن محروم اتمگه چالشقده بیوک برحقسرلقدر .

اوروپاده بیرا صرفیاتی

اوروپاده اڭ زیاده بیرا صرف ایدن مملکت باویه را قرالغیدر . بو
مملکتده بهر نفوسه سنوی ۲۴۶ لیتره بیرا اصابت ایدیسور .
باویه رادن صکره ممالک سائره شو ترتیب اوزره گلیر :
ویرتمبرغ ده بهر نفوسه ۱۵۴ ، بلجیقاده ۱۴۵ ، انگلتره ده ۱۱۸ ،
ساقسونیاده ۶۱ ، آلزاس لورن ده ۴۸ ، پروسیاده ۳۹ ، فنلند ده
۳۸ ، آوستریاده ۳۴ ، شمالی آمریقاد ۲۹ ، فرانسه ده ۱۹ ،
نوروچ ده ۱۴ ، اسوه چده ۱۲ ، روسیه ده آنجق ۲ لیتره .
فقط شهرلر نظر دفته آلیرسه ینه بیرا صرف ایدن شهر باویه رانک
پای تختی اولان مونخ شهری درکه سکسان بیگ نفوسی شامل اولدینی خالد
هان عموم روسیه قدر بیرا صرف اتمکده در .

برمونخیل سنوی حساب متوسط اوزره ۴۴۹ لیتر بیرا ایچمکده در .
شراب و سائر اسپرئولی مشروبات بودرلو مقطراتک انواعی اعتباریله
مبدول اولدینی مملکتلره گوره در . مثلاً فرانسه ده اڭ زیاده شراب چیقدینی
جهتله خاقی ده اکثریت اوزره شراب استعمال ایدر . مجارستان دخی بوقیلنددر .
آلمانانک بعض ممالکنده باخصوص (رین) شهری جوارلرنده کراز راقیسی
مبدولدر . روسیه ده ایسه اکثریت (ووطقه) دنیلان یولاف راقیسنه مبتلادر .